

ESTATUTOS DO CLUB VÍA LÁCTEA

CAPÍTULO I

DENOMINACIÓN, DOMICILIO, ÁMBITO E FINS DA ENTIDADE

Artigo 1.- O Club VÍA LÁCTEA é una asociación deportiva privada, con personalidade xurídica propia, sen ánimo de lucro e con plena capacidade para obrar e con domicilio na Comunidade Autónoma de Galicia.

Artigo 2.- O Club VÍA LÁCTEA practicará como principal modalidade deportiva a de senderismo, e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei do Deporte de Galicia 3/2012.

Artigo 3.- O Club constitúese por tempo indefinido.

Artigo 4.- O domicilio social do Club é Centro Sociocultural Aurelio Aguirre de Conxo, na Praza de Aurelio Aguirre, C.P. 15702 Santiago de Compostela, A Coruña.


Pódense utilizar outros locais adicionais na mesma e outras localidades mediante acordo da Xunta Directiva.

O cambio de domicilio social non suporá a modificación de estatutos.

Artigo 5.- Poderanse formar delegacións desta asociación deportiva noutras localidades, previa aprobación da Asemblea Xeral, que se rexerán pola normativa da Sede Central de A Coruña.

Artigo 6.- O ámbito territorial no que se desenvolverán as actividades será a Comunidade Autónoma de Galicia, principalmente.

Artigo 7.- O Club VÍA LÁCTEA declárase á marxe de toda actuación ou manifestación política, relixiosa ou calquera outra allea ós seus fins.



CAPÍTULO II

SOCIOS, ADMISIONS, CLASES, DEREITOS E OBRIGAS, BAIXAS

Artigo 8.- Poderán formar parte da asociación persoas físicas que teñan interese no desenvolvemento dos fins do Club. Persoas Físicas, Entidades e Institucións poderán ser nomeados Socios de Honra.

Artigo 9.- Para ser admitido como socio é preciso:

9.1.- Cubrir a solicitude que deberá asinar o interesado. Se é menor de idade deberá ademáis, presentar autorización do pai, nai ou titor.

9.2.- Abonar as cotas establecidas polo medio de pagamento que determine a Xunta Directiva.

Artigo 10.- O número de asociados é ilimitado, agás acorde o contrario a Asemblea Xeral.

Artigo 11.- Existen as seguintes clases de socios:

11.1.- Socios Fundadores. Aqueles que figuran como tales en data da creación do Club VÍA LÁCTEA.

11.2.- Socios de Honra. Aquelas personas, entidades ou institución, ás que se lles conceda tal distinción pola Asemblea Xeral proposta da Xunta Directiva.

11.3.- Socios Distinguidos. Aqueles a quen a Asemblea Xeral ou a Xunta Directiva lles conceda tal distinción pola súa antigüedad, relevancia ou dedicación ás actividades do Club, ou por outros particulares feitos.

11.4.- Socios Veteranos. Aqueles maiores de 65 anos e cunha antigüedades de 25 anos no Club.

11.5.- Socios de número. Os maiores de 18 anos.

11.6.- Socios Xuvenís. Os menores de 18 anos.

11.7.- Socios Temporais. Aqueles que soliciten o seu ingreso por período de 6 meses ou un ano. O socio temporal poderá selo cantas veces queira, sempre que a Xunta Directiva o permita.

Artigo 12.- DEREITOS dos socios.



12.1.- Os socios maiores de idade Terán os seguintes dereitos:

- a) Coñecer e participar das actividades do Club.
- b) Contribuír ó cumprimento dos fins da Asociación.
- c) Poder elixir ou ser elixido para os cargos directivos.
- d) Participar con voz na Asemblea Xeral.
- e) Participar con voto na Asemblea Xeral se pertence ó Club por un período mínimo de dous anos ininterrompidos.
- f) Esixir que a Asociación se axuste ó establecido nos Estatutos e normas de carácter superior.
- g) Ter acceso á documentación da Asociación, previa petición razoada e por escrito á Xunta Directiva.
- h) Ser oído con carácter previo á adopción de medidas disciplinarias e ser informado dos feitos que dean lugar a esas medidas.

12.2.- Os socios menores de idade Terán os seguintes dereitos:

- a) Coñecer e participar das actividades do Club.
- b) Contribuír ó cumprimento dos fins da Asociación.
- c) Participar con voz na Asemblea Xeral.
- d) Ser oído con carácter previo á adopción de medidas disciplinarias e ser informado dos feitos que dean lugar a esas medidas.

Artigo 13.- OBRIGAS dos socios.

13.1.- Abonar as cotas ordinarias e extraordinarias que se establezan, agás os socios Fundadores, de Honra e Distinguidos, que estarán exentos do seu pagamento.

13.2.- Cumprir cantos acordos ou disposicións aprobé a Asemblea Xeral ou a Xunta Directiva.

13.3.- Cumprir o disposto nos presentes Estatutos e en calquera outra normativa de réxime interno ou de carácter superior.

Artigo 14.- BAIXAS dos socios.

14.1.- A condición de socio pérdese polas seguintes causas:

- a) Por renuncia voluntaria mediante escrito dirixido á Xunta Directiva.
- b) Por impago das cotas durante un ano e previa notificación ao interesado.
- c) Por sanción disciplinaria, ratificada en Asemblea Xeral.
- d) Por falecemento.





14.2.- A baixa temporal dun socio producirase por petición persoal, mediante escrito dirixido á Xunta Directiva, durante un período mínimo de seis meses e máximo de dous anos, prorrogables a xuízo da Xunta Directiva.

14.3.- A reincorporación do socio con baixa temporal solicitarase mediante escrito dirixido á Xunta Directiva antes de finalizar o prazo indicado, en caso contrario perderá a condición de socio. A considerar o seguinte:

- a) Ao socio reincorporado se lles respectará a súa antigüedad.
- b) O período de baixa temporal non será computable a efectos de antigüedad.



CAPÍTULO III

ÓRGANOS DE GOBERNO E REPRESENTACIÓN

Artigo 15.- Son órganos de Goberno e Representación da Asociación a Asemblea Xeral e a Xunta Directiva.

ASEMBLEA XERAL

Artigo 16.- A Asemblea Xeral é o órgano supremo de gobernó da Asociación, e estará por formada por tódolos socios.

Artigo 17.- Terán dereito a voto aqueles socios maiores de idade presentes ou representados, que teñan máis de dous anos de antigüidade no Club e estean ó corrente no pagamento das cuotas.

Artigo 18.- A Asemblea Xeral poderá ser ordinaria ou extraordinaria. Será convocada polo Presidente do Club cando menos con 15 días de antelación á súa celebración e será comunicada ós socios ó seu enderezo ou por correo electrónico. A convocatoria indicará lugar, día e hora de celebración, así como a orde do día.

Artigo 19.- A Asemblea Xeral reunirase con carácter ordinario cando menos unha vez ó ano dentro do primeiro trimestre.

Artigo 20.- A Asemblea Xeral Extraordinaria será convocada por iniciativa do Presidente, a petición da maioría da Xunta Directiva ou do 10% dos asociados, que a pedirán por medio de escrito motivado asinado polos solicitantes e dirixido á Xunta Directiva. Esta Asemblea terá que convocarse á maior brevidade posible nun prazo máximo de 30 días dende a data de recepción da solicitude.

Artigo 21.- A Asemblea Xeral quedará válidamente constituída en primeira convocatoria cando concorra a ela a terceira parte dos asociados con dereito a voto, e en segunda convocatoria será suficiente calquera que sexa o número de socios con dereito a voto que estean presentes ou representados. O número de socios presentes deberá ser igual ou superior ó número de socios representados. Os acordos que se tomen nesta Asemblea serán válidos.

Artigo 22.- Os acordos da Asemblea Xeral tomaranse do seguinte xeito:

22.1.- Con carácter xeral, por maioría simple dos votos dos socios presentes e representados.

22.2.- Necesitarase maioría absoluta (a metade dos votos máis un) para:

a) Solicita-la declaración de Utilidade Pública.



- b) Modifica-los Estatutos.
- c) Modifica-las cuotas sociais.
- d) Ratifica-la expulsión dos socios aprobada pola Xunta Directiva, previo ditame do Comité de Disciplina.
- e) Autoriza-la incorporación de grupos ou agrupacións á Asociación.

22.3.- Será necesaria una mayoría de 2/3 dos votos para:

- a) Dispoñer e allear bens.
- b) Disolve-la Asociación.
- c) Emitir Títulos de Débeda.
- d) Solicitar préstamos.
- e) Aprobar una moción de censura.
- f) Acorda-la remuneración, no se caso, dos membros da Xunta Directiva.

Artigo 23.- Son competencia da Asemblea Xeral Ordinaria:

23.1.- Aproba-las actas de Asembleas anteriores, se procede.

23.2.- Aproba-la Memoria Anual, se procede.

23.3.- Aproba-la Liquidación de orzamento, do Balance do exercicio e presentación de contas, se procede.

23.4.- Aproba-lo Orzamento do exercicio do ano en curso, se procede.

23.5.- Aproba-los proxectos e propostas da Xunta Directiva, se procede.

23.6.- Aprobar, se procede, os proxectos e propostas dos socios, maiores de idade, avaladas cando menos polo 5% dos mesmos, e presentadas á Xunta Directiva cun mínimo de 5 días de antelación á celebración da Asemblea. Este apartado deberá figurar na orde do día, e de presentarse alguna proposta, deberá publicarse alomenos no taboleiro de anuncios do local social.

23.7.- Rogos e preguntas.


Artigo 24.- Son competencia da Asemblea Xeral Extraordinaria:

24.1.- Escoller ó Presidente do Club.

24.2.- Modifica-los Estatutos da Asociación.

24.3.- Disolve-la Asociación e nomear liquidadores.

24.4.- Solicita-la declaración de Utilidade Pública.



24.5.- Solicitar préstamos hipotecarios.

24.6.- Emitir Títulos de Débeda.

24.7.- Allear bens patrimoniais.

24.8.- Debater e resolver una moción de censura contra a xestión do Presidente do Club.

Artigo 25.- A moción de censura ó Presidente terá as seguintes características:

25.1.- Deberá ser formulada por un 10% dos socios maiores de idade, con proposta dun novo candidato.

25.2.- Tratarase en Asemblea Xeral Extraordinaria que estará presidida polo socio de maior idade que estea presente, e actuará como Secretario o socio de idade máis nodo de entre os presentes.

25.3.- Os acordos tomaranse por maioría de 2/3 dos socios con dereito a voto presentes e representados.

25.4.- De prosperar a moción de censura, o Presidente será cesado de xeito inmediato e pasará a ocupar este cargo o candidato proposto.

25.5.- De non prosperar a moción de censura, non se poderá presentar outra noo prazo dun ano, dende a celebración da Asemblea Xeral Extraordinaria.

XUNTA DIRECTIVA

Artigo 26.- A Xunta Directiva é o órgano de representación e xestión da Asociación e estará formada polo Presidente, Vicepresidente, Secretario, Tesoureiro e cando menos un Vocal representante de cada una das Seccións existentes.

Artigo 27.- Os membros da Xunta Directiva será socios, maiores de idade, con pleno uso dos seus dereitos civís e que non estean incurso nos motivos de incompatibilidade establecidos pola lexilación vixente. Deberán cumprir as obrigas que a Lei estableza para o seu cargo e deberán ter como mínimo dous anos de antigüidade no Club.

Artigo 28.- Os cargos da Xunta Directiva poderán ser remunerados previo acordó da Asemblea Xeral.



Artigo 29.- A Xunta Directiva reunirase coa perioricidade suficiente para o bo desenvolvemento do Club. A convocatoria será realizada polo Presidente, a iniciativa propia ou a petición de tres ou máis membros da Xunta Directiva e realizarase como mínimo con dous días de antelación á data da súa celebración. A Xunta Directiva quedará válidamente constituída cando concorran a ela candomenos una terceira parte dos seus membros en número nunca inferior a tres, e en todo caso, o Presidente ou Vicepresidente.

Artigo 30.- Os acordos da Xunta Directiva tomaranse por maioría simple. En caso de empate decidirá o voto do Presidente.

Artigo 31.- O Presidente da Xunta Directiva é o Presidente do Club, e nomeará e revogará os demais membros da Xunta Directiva.

Artigo 32.- Os membros da Xunta Directiva deixarán de selo polas seguintes causas:

32.1.- Reuncia voluntaria comunicada por escrito ó Presidente.

32.2.- Por decisión do Presidente.

32.3.- Por calquera causa que lles impida desempeña-las súas funcións.

Artigo 33.- Son facultades da Xunta Directiva as seguintes:

33.1.- Executa-los acordos e disposicións da Asemblea Xeral.

33.2.- Elaborar e someter á aprobación da Asemblea Xeral a Memoria Anual o Orzamento do exercicio e os Balances e contas do exercicio pechado.

33.3.- Redactar ou reformar Regulamentos de Réxime Interno, e velar polo seu cumprimento.

33.4.- Coordina-las actividades do Club.

33.5.- Crear comisión de traballo. Designar un membro da xunta Directiva a cargo de cada comisión.

33.6.- Aplica-las medidas económicas, deportivas, administrativas e de orde e disciplina precisas para o correcto funcionamento da Asociación.

33.7.- Nomear COLABORADORES para desenvolver tarefas continuadas non específicas da propia Xunta Directiva. Estes colaboradores poderán asistir ás reunións da



Xunta Directiva cando sexan convocados ou así o soliciten para informar dos temas da su competencia. Poderán desenvolver normativas nas súas áreas respectivas.

33.8.- Promover, colaborar e/ou organizar calquera actividade que a Xunta Directiva considere axeitada para o cumprimento dos fins da Asociación.

33.9.- Calquera outra tarefa que non sexa da exclusiva competencia da Asemblea Xeral.

O PRESIDENTE

Artigo 34.- O Presidente do Club será elixido cada catro anos, mediante sufraxio libre, directo e secreto na Asemblea Xeral Extraordinaria polos socios con dereito a voto.

O candidato a Presidente deberá ter una antigüidade mínima de dous anos e non estar inhabilitado ou en proceso de inhabilitación para o devandito cargo, nin ter sido sancionado disciplinariamente. O caso de que só haxa un candidato, éste será nomeado Presidente automáticamente, sempre que concurran os anteriores requisitos.

A actuación do Presidente axustarase ás normas das Institucións de maior rango que rexan o Deporte en Galicia.

Artigo 35.- O Presidente deixará de selo polas seguintes causas:

35.1.- Por renuncia voluntaria.

35.2.- Por finalización de mandato.

35.3.- Por motivación de censura.

Artigo 36.- As función do Presidente son:

36.1.- Convocar, presidir e levanta-las reunión que celebre a Asemblea Xeral e a Xunta Directiva.

36.2.- Dirixir as deliberacións e decidir co seu voto de calidade no caso de empate.

36.3.- Ordena-los pagamentos e autorizar coa súa sinatura os documentos, actas e correspondencia.

36.4.- Representar legalmente á Asociación ante toda clase de entidades, organismos e institucións, públicas ou provadas.



a



36.5.- Adoptar calquera medida urxente que resulte necesaria ou conveniente para o desenvolvemento da Asociación, sen prexuízo de dar conta posterior á Xunta Directiva.

36.6.- Exerce-lo cargo de Presidente en función dende a finalización do seu mandato ata a resolución da convocatoria electoral correspondente.

O VICEPRESIDENTE

Artigo 37.- O Vicepresidente asistirá ó Presidente nas súas función. Actuará como Presidente en función en ausencia do Presidente. Así mesmo, actuará como Secretario en función en ausencia do mesmo.

O TESOUREIRO

Artigo 38.- O Tesoureiro terá como función:

38.1.- Exerce-la dirección da xestión económica do Club e a custodia dos libros de contabilidade e os inventarios, así como tódolos documentos económicos necesarios para a elaboración das contas e balances.

38.2.- Preparar e presenta-los orzamentos, as contas anuais e os balances á Xunta Directiva e á Asemblea Xeral.

38.3.- Dar cumprimento ás ordes de pagamento expedidas polo Presidente.

O SECRETARIO

Artigo 39.- Ó Secretario correspóndelle:

39.1.- Redactar e asina-las actas das reunión dos órganos de gobernó e representación, xunto co Presidente.

39.2.- Expedi-las certificacións necesarias.

39.3.- Leva-lo Rexistro de Socios.

39.4.- Custodia-la documentación do Club.

OS VOCAIS

Artigo 40.- O Vocal é o representante de cada Sección na Xunta Directiva e actuará como tal ante a federación respectiva, se procede.



COMISIÓN XESTORA

Artigo 41.- Constituirase una Comisión Xestora, por vacante no cargo de Presidente, formada, se é posible, por membros da Xunta Directiva saínte e presidida polo Vicepresidente. Estará integrada como mínimo por catro membros. Terá como funcións:

41.1.- Xestiona-lo Club ata o nomeamento do novo Presidente.

41.2.- Convocar eleccións antes de seis meses.

IMPUGNACIÓN DOS ACORDOS

Artigo 42.- Os acordos da Asemblea Xeral, Xunta Directiva ou Sección, poderán ser impugnados polos socios mediante escrito motivado dirixido á Xunta Directiva e en segunda instancia perante os órganos competentes das Federacións perante o Comité Galego de Xustiza Deportiva.



CAPÍTULO IV

SECCIÓNS

Artigo 43.- A Xunta Directiva poderá acorda-la constitución de Seccións para un mellor desenvolvemento dos fins do Club.

43.1.- As Seccións actuarán dentro dun campo concreto, adscribíndose, se procede, á Federación respectiva.

42.2.- Cada Sección estará integrada polos seus membros, que á súa vez serán socios do Club.

43.3.- Cada Sección poderá aprobar un Regulamento de Réxime Interno, que deberá ratifica-la Xunta Directiva, polo que se rexerán os membros da Sección correspondente.

43.4.- O Presidente nomeará un ou máis vocais que representen a cada Sección na Xunta Directiva. Os vocais tamén poden ser propostos por cada Sección e ratificados polo Presidente.

43.5.- Os membros de cada Sección reuniranse cando menos una vez ó ano, para organizar e programa-las actividades, dando conta á Xunta Directiva e á Federación adscrita respectiva, se procede.

43.6.- As diferentes Seccións poderán levar un libro de actas onde se reflectan as súas reunións, decisións ou similares.

43.7.- As Seccións teñen como atribucións:

- a) Coordinar e organizar actividades oficiais propias do calendario do Club, as propostas da Sección e as delegadas das Federacións respectivas.
- b) Poder elaborar e controlar o seu propio orzamento, supervisado pola Xunta Directiva.
- c) Calquera outra atribución que lles sexa encomendada pola Xunta Directiva e aceptada pola Sección.



CAPÍTULO V

RESPONSABILIDADE DOS SOCIOS, ÓRGANOS DE GOBERNO E REPRESENTACIÓN

Artigo 44.- A responsabilidade dos directivos do Club esténdese ós acordos e actos contrarios ó ordenamento xurídico xeral e as disposicións contidas na Lei do Deporte de Galicia e nas disposicións regulamentarias que as desenvolvan, así como todo aquilo que estea en contra do contido nos presentes Estatutos e regulamentos que os desenvolvan e contra aquelas normas que supletoriamente sexan de aplicación.

Artigo 45.- En calqueira caso, os directivos responderán fronte os socios, ó Club ou terceiros por culpa ou negligencia grave no exercicio das súas función que causen grave prexuízo ó Club, terceiros ou socios.

Artigo 46.- A responsabilidade dos socios do Club esténdese ós actos contrarios ó ordenamento xurídico xeral, e as disposicións contidas na Lei do Deporte de Galicia e nas disposicións regulamentarias que as desenvolvan, así como todo aquilo que este en contra do contido nos presentes Estatutos e regulamentos que o desenvolvan e contra aquelas normas que supletoriamente sexan de aplicación. Así mesmo responderán fronte ós demais socios, os ou terceiros, cando se aprecie culpa ou negligencia que cause grave prexuízo ó Club, terceiros ou socios.



CAPÍTULO VI

RÉXIME DISCIPLINARIO

Artigo 47.- A potestade disciplinaria do Club recaerá no comité de Disciplina, quen terá a facultade de investigar e, no seu caso, sanciona-las faltas que cometan os socios.

Non poderán formar parte do Comité de Disciplina os membros da Xunta Directiva nin os membros das federacións nas que o Club estea adscrito.

Este comité será nomeado pola Asamblea Xeral e estará formado, como mínimo, por tres membros.

Artigo 48.- O Comité de Disciplina actuará nos seguintes casos:

48.1.- Cando actuacións dos socios impidan o cumprimento dos fins do Club, ou outro funcionamento dos órganos de goberno e representación da Asociación.

48.2.- Cando socios produzan intencionadamente danos de tipo material ós bens do Club.

48.3.- Cando os socios infrinxan os presentes Estatutos ou os Regulamentos de Réxime Interno.

Artigo 49.- A composición do Comité de Disciplina, así como a tramitación dos expedientes, a tipicación das faltas que serán leves, graves e moi graves e as súas sancións, serán desenvolvidas nun regulamento específico.

Artigo 50.- Para impoñer calquera tipo de sanción, será preceptiva a instrucción dun expediente, de acordo co procedemento que se estableza regulamentariamente, no cal necesariamente darase audiencia ó interesado.

Artigo 51.- Contra as resolucións do Comité de Disciplina cabe recurso perante a Federación respectiva e o Comité Galego de Disciplina Deportiva.

Artigo 52.- En ausencia dunha regulación específica do Club, será aplicable o que establezan as Federacións Deportivas respectivas e a Lei Xeral do Deporte de Galicia.



CAPÍTULO VII

REGULAMENTOS DE RÉXIME INTERNO

Artigo 53.- A Xunta Directiva elaborará normas de funcionamento interno que formarán parte dos denominados Regulamentos de Réxime Interno e que desenvolverán aquelas materias contempladas ou non, nos presentes Estatutos. Non poderán ir, en ningún caso, en contra do estipulado nos mesmos.



CAPÍTULO VIII

RÉXIME DOCUMENTAL

Artigo 54.- O Club contará coa seguinte documentación:

54.1.- Rexistro de Socios. Onde se fará constar nome e apelidos dos socios, documento nacional de identidade, pasaporte ou similar, datas de alta e baixa e clase de socio, así como a toma de posesión e cese dos cargos directivos.

54.2.- Libro de Actas. Onde se consignarán as reunión que celebren á Asemblea Xeral e a Xunta Directiva, con expresión da data, o número de asistentes, os asuntos tratados e os acordos adoptados. As actas serán asinadas polo Presidente e polo Secretario.

54.3.- Libro de Contabilidade. Onde se especificarán os ingresos e gastos do Club, a procedencia dos ingresos e o destino dos gastos e investimentos.

54.4.- Rexistro de Títulos de débeda. Onde se anotarán as sucesivas transferencias.

54.5.- Memorias de actividades. Memorias Anuais e Regulamentos de Réxime Interno da Asociación e das Seccións que estarán a disposición dos socios.



CAPÍTULO IX

RÉXIME ECONÓMICO – FINANCEIRO E PATRIMONIAL

Artigo 55.- Club VÍA LÁCTEA, como entidade sen ánimo de lucro, en ningún caso poderá distribuir os recursos obtidos entre os seus socios, que se destinarán para un bo desenvolvemento da Asociación.

Artigo 56.- O patrimonio da Asociación reflectirase no balance do exercicio económico anual.

Artigo 57.- O Club poderá gravar e allear bens inmoables e pedir préstamos. Poderá emitir títulos de débera, onde deberá constar o valor nominal dos mesmos, e data de emisión, e no seu caso, os xuros e o prazo de amortización, e só poderán ser subscritos polos seus socios, e a súa posesión non lles conferiría dereito algún especial, salvo a percepción dos intereses establecidos conforme á lexislación vixente. En ningún caso estas acción poderán comprometer de modo irreversible ó patrimonio do Club outras actividades a realizar.

Para a adecuada xustificación destas acción poderán esixirse o oportuno ditame económico actuarial, sempre que o soliciten como mínimo o 5% dos socios maiores de idade.

Artigo 58.- Constitúen os recursos económicos da Asociación:

58.1.- As cotas, ordinarias e extraordinarias, que se establezan.

58.2.- Os ingresos obtidos pola organización de actividades.

58.3.- As doazóns, patrocinios ou subvencións públicas ou privadas.

58.4.- Os ingresos por tendementos dos seus bens.

58.5.- Os préstamos ou créditos que sexan concedidos.

58.6.- Os ingresos doutro carácter que legalmente poida obter.

Artigo 59.- O exercicio económico será anual e pechará o 31 de decembro de cada ano. As contas presentaranse perante a Asemblea Xeral Ordinario onde serán aprobadas, xunto co orzamento do ano en curso e a liquidación do orzamento do ano anterior, se procede.



Artigo 60.- Nas contas abertas en entidades bancarias deberña figurar a sinatura do Presidente e de dous membros máis da Xunta Directiva. Para poder dispor de fondos, serán suficientes dúas asinaturas.

Artigo 61.- Club VÍA LÁCTEA non posúe na actualidade ningunha instalación.



CAPÍTULO X

MODIFICACIÓN DE ESTATUTOS

Artigo 62.- Os presentes Estatutos só poderán ser modificados, reformados ou revogados por acordó da Asemblea Xeral Extraordinaria convocada a tal fin, e deberá adoptarse en votación por maioría segundo o establecido no artigo 22.4 destes Estatutos, debéndose comunicar ó Rexistro de Entidades Deportivas da Xunta de Galicia para a súa aprobación e inscrición dacordo co previsto na normativa vixente.



CAPÍTULO XI

DISOLUCIÓN DA SOCIEDADE

Artigo 63.- Club VÍA LÁCTEA extinguirase ou disolverase por:

- a) Revogación do recoñecemento oficial do Club VÍA LÁCTEA
- b) Fusión ou integración con outra entidade de características similares.
- c) Mandato xudicial ou administrativo.
- d) Acordo da Asemblea Xeral Extraordinaria, convocada ó efecto, adoptado por una maioría de 2/3 dos membros asistentes con dereito a voto.
- e) Calquera outra vez que estableza o ordenamento xurídico.

PROCEDEMENTO DE DISOLUCIÓN

Artigo 64.- O Presidente terá que convocar a Asemblea Xeral Extraordinaria para que esta adopte o correspondente acordó de disolución no prazo de 2 meses dende que teña coñecemento da existencia da causa determinante da disolución.

- a) Dita disolución comunicarse ó Rexistro de Entidades Deportivas de Galicia para que proceda á cancelación da súa inscrición de acordó coa normativa vixente.


Artigo 65.- Disolvido o VÍA LÁCTEA, o remanente do seu patrimonio social, de habelo, reverterá nunha colectividade de fins análogos. A tal fin comunicarse a disolución á Administración Deportiva da Comunidade Autónoma de Galicia e ás Federacions territoriais respectivas, que acordarán o destino dos bens para o fomento e desenvolvemento de actividades deportivas.



CAPÍTULO XII

DISPOSICIÓN FINAIS

Artigo 66.- En todo o que non estea expresamente previsto neste Estatutos seralle de aplicación o que estableza a Lei Xeral do Deporte de Galicia ou calquera outra aplicación de rango superior.



DILIXENCIA: Para facer constar que os presentes estatutos do club
Club Via da Ctea
inscritos co n.º 44272 foron modificados con data 23/11/2015
no Rexistro de Entidades Deportivas de Galicia, de conformidade co disposto na
Lei 3/2012, de 2 de abril, do deporte de Galicia (DOG 13/04/2012).
A Coruña, 23 de novembro de 2015.

